



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-I/25-3-40-129-4/21
Datum: 10.05.2021. godine

«Agencija za vodno područje rijeke Save» Sarajevo rješavajući po zahtjevu fizičkog lica Jasmin Čirić iz Čelića, za donošenje rješenja o vodnoj dozvoli za ispuštanje tehnoloških otpadnih voda sa lokacije samouslužne autopraonice u Čeliću, na osnovu člana 139. stav (1) tačka 3. («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

R J E Š E N J E **o vodnoj dozvoli**

1. Investitoru, Jasminu Čiriću iz Čelića daje se vodna dozvola za ispuštanje tehnoloških otpadnih voda sa lokacije objekta autopraonice izgrađenih na zemljištu označenom kao k.č. broj: 23 K.O. Čelić, općina Čelić.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Korisnik poslovnog objekta za sve vrijeme trajanja ove vodne dozvole treba obezbjediti da se tehnološke otpadne vode koje nastaju od pranja motornih vozila sa lokacije predmetne autopraonice nesmetano prikupljaju putem slivnika sa slivnom rešetkom u taložnik i kanizacionim cijevima odvođe do separatora ulja i naftnih derivata, a zatim tako prečišćene vode se preko okna za monitoring ispuštaju u gradski kanizacioni kolektor.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Separator ulja i naftnih derivata, te pripadajuće objekte za prikupljanje i odvodnju zauljenih otpadnih voda, održavati u ispravnom stanju, redovno vršiti njihovo čišćenje i o tome voditi evidenciju.
 - 3.5. Čišćenje, odvoz i konačno zbrinjavanje sadržaja separatora i drugog opasnog otpada povjeriti pravnom licu ovlaštenim za tu vrstu djelatnosti prema sklopljenom ugovoru.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta u skladu sa Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.7. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije, prilog 1. tabela 1.1. kolona 3 tabele.
 - 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.9. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik predmetnog objekta samouslužne autopraonice je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor Jasmin Čirić iz Čelića se pismenim putem obratio ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije objekta samouslužne autopraonice izgrađene na zemljištu označenom kao broj: 23 K.O. Čelić, općina Čelić.

U provedenom postupku dostavljena je i pregledana slijedeća dokumentacija:

- Ovjerena kopija lične karte;
- Ovjerena kopija Rješenja o registraciji donesenog od strane Općinskog suda u Tuzli, broj: 032-0-Reg-15-001924 dana 10.12.2015. godine za „Taira trend“;
- Ovjerena kopija Uvjerjenja o poreznoj registraciji donesenog od strane Kantonalnog poreznog ureda Tuzla dana 28.12.2015. godine za „Taira trend“;
- Ovjerena kopija Uvjerjenja o registraciji/upisu u Jedinostveni registar obveznika indirektnih poreza donesenog od strane Uprave za indirektno-neizravno oporezivanje Banja Luka, broj: 04/1-17-1-UPJR/1-410-2/16 dana 03.02.2016. godine za „Taira trend“;
- Ugovor o zakupu poslovnog prostora sklopljenog sa „Taira trend“ d.o.o. dana 01.08.2020. godine;
- Kopija Rješenja o odobrenju za građenje samouslužne autopraonica u naseljenom mjestu Čelić, donesenog od strane Službe za urbanizam, stambeno-komunalne, imovinsko-pravne i geodetske poslove Općine Čelić, broj: 05-19-2014/20 dana 07.09.2020. godine;
- Kopija Rješenja o urbanističkoj saglasnosti za izgradnju poslovnog objekta namjene samouslužna autopraonica u naseljenom mjestu Čelić, donesenog od strane Službe za urbanizam, stambeno-komunalne, imovinsko-pravne i geodetske poslove Općine Čelić, broj: 05-23-2549/19 dana 18.05.2020. godine;
- Kopija Saglasnosti za priključenje na javni kanalizacioni sistem tehnoloških otpadnih voda, date od strane JKP „Čistoća“ d.o.o. Čelić, broj: 03-340/20 dana 11.03.2020. godine;
- Kopija Rješenja o vodnoj saglasnosti donesenog od strane Agencije za vodno područje rijeke Save, broj: UP-I/25-2-40-332-2/20 dana 25.08.2020. godine;
- „Glavni projekat sakupljanja, tretmana i ispuštanja otpadnih voda za poslovni objekat samouslužna autopraona“, urađen od strane projektne kuće „TQM“ d.o.o. Lukavac, juli 2020. godine;
- Revizioni izvještaj o izvršenom pregledu projektne dokumentacije, urađen od strane „Euroing“ d.o.o. Bihać;

- Dokaz o uplaćenju upravnoj pristojbi i administrativnoj taksi na zahtjev.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19 i 41/20), ovaj organ je pokrenuo upravni postupak, te je dana 17.06.2020. godine izvršen pregled objekata samouslužne autopraonice, o čemu je sačinjen Zapisnik o uviđaju broj: UP-I/25-3-40-129-2/20.

Na osnovu dostavljene dokumentacije i izvršenog uviđaja na predmetnoj lokaciji utvrđeno je slijedeće:

Lokacija na kojoj je izgrađena samouslužna autopraonica nalazi se na zemljištu označenom kao k.č. broj: 23 K.O. Čelić, općina Čelić.

Poslovni objekat samouslužne autopraonice sa dva otvorena boksa za pranje automobila, krajnjih gabarita 12,35 x 6,80 m, katnosti P, prilaz vozila za pranje je sa lokalne saobraćajnice. Snabdijevanje vodom je iz mjesnog vodovodnog sistema kojim upravlja JKP „Čistoća” d.o.o. Čelić.

Na predmetnoj lokaciji nastaju tehnološke otpadne vode koje nastaju od pranja motornih vozila. Ove vode se prikupljaju putem linijskih slivnika sa slivnom rešetkom i internom kanalizacionom mrežom vode do tipskog separatora, ovako prečišćene vode se preko okna za monitoring ispuštaju u gradski kanalizacioni sistem kojim upravlja JKP „Čistoća” d.o.o. Čelić.

Saglasnost za priključak otpadnih voda sa lokacije predmetne samouslužne autopraonice na gradski kanalizacioni kolektor data je od strane JKP „Čistoća” d.o.o. Čelić koji upravlja istim, ali operater ne posjeduje vodnu dozvolu za ispuštanje otpadnih voda iz kolektora.

Na osnovu pregleda dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta na stanje voda i prava na vode dodjeljena drugim korisnicima, podnosiocu zahtjeva su ovom vodom dozvolom u dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. Pravilnika o sadržaju, obliku, uvjetima i načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje tehnoloških otpadnih voda koje nakon upotrebe dopijevaju u vode, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević, B.Sc.ing.građ.

Prilog:

„Glavni projekat sakupljanja, tretmana i ispuštanja otpadnih voda za poslovni objekat samouslužna autopraona”, urađen od strane projektne kuće „TQM” d.o.o. Lukavac, juli 2020. godine.



Po ovlaštenju

Rukovodilac sektora za izdavanje vodnih akata

Haris Ališehović
Haris Ališehović, dipl.ing.građ.

Dostaviti:

- Čirić Jasmin, Ul. Ekrema Agića 57, Čelić 75246
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava